

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO UNUTRAŠNJIH POSLOVA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MINISTRY OF THE INTERIOR

**STRATEŠKI PLAN MINISTARSTVA UNUTRAŠNJIH POSLOVA
UNSKO – SANSKOG KANTONA ZA PERIOD 2015. – 2017. GODINE**

Bihać, novembar 2015.godine.



***STRATEŠKI PLAN MINISTARSTVA UNUTRAŠNJIH POSLOVA
UNSKO – SANSKOG KANTONA ZA PERIOD 2015. – 2017. GODINE***

Zakonom o unutrašnjim poslovima Unsko-sanskog kantona utvrđeni su unutrašnji poslovi iz nadležnosti Unsko-sanskog kantona (u daljem tekstu: Kanton), koje vrši Ministarstvo unutrašnjih poslova Unsko-sanskog kantona. Pravni osnov za rad Ministarstva zasnovan je na Ustavu Bosne i Hercegovine, Ustavu Federacije Bosne i Hercegovine, Ustavu Kantona te zakonima i drugim propisima Bosne i Hercegovine, Federacije Bosne i Hercegovine i Kantona.

U sastavu Ministarstva unutrašnjih poslova Unsko-sanskog kantona nalazi se katonalna Uprava policije (u daljem tekstu: Ministarstvo), koja obavlja operativne policijske poslove iz nadležnosti Ministarstva.

Unutrašnji poslovi iz nadležnosti Ministarstva su:

- a) zaštita života, prava, sigurnosti i nepovredivosti osobe;
- b) zaštita imovine;
- c) sprečavanje, otkrivanje i istraga krivičnih djela i prekršaja na području Kantona, u skladu sa zakonom;
- d) traganje za počiniocima krivičnih djela i prekršaja i njihovo dovođenje nadležnim organima;
- e) prikupljanje i analiziranje informacija i podataka iz tačke c) i d) ovog člana, kao i o ukupnoj sigurnosnoj situaciji u Kantonu iz nadležnosti Ministarstva;
- f) održavanje javnog reda i mira;
- g) osiguranje javnog okupljanja;
- h) osiguranje određenih ličnosti i objekata na području Kantona;
- i) kriminalističko – tehnička vještačenja;
- j) nadzor, kontrola i regulisanje saobraćaja na putevima Kantona, te drugi poslovi u oblasti saobraćaja utvrđeni zakonom i podzakonskim aktima;
- k) izdavanje odobrenja za nabavljanje, držanja i nošenje oružja i municije, vođenja propisanih evidencija, te kontrola istih i poslovi kontrole kretanja oružja i vojne opreme na području Kantona;
- l) vođenje statističkih, operativnih i drugih službenih evidencija potrebnih za obavljanje policijskih poslova, u skladu sa zakonom i drugim propisima;
- m) razmjena informacija sa tužilaštvima, sudovima i drugim policijskim organima u Bosni i Hercegovini;
- n) saradnja sa drugim sigurnosnim agencijama i drugim organima u Bosni i Hercegovini, u okviru izvršavanja policijskih poslova;
- o) pružanje pomoći organima u Bosni i Hercegovini i pravnim licima kojima je povjereno vršenje javnih ovlaštenja u skladu sa posebnim propisima;

- p) poduzimanje hitnih mjera koje su neophodne za otklanjanje direktne opasnosti za ljude i imovinu, kada te mjere ne mogu pravovremeno poduzeti nadležni organi na području Kantona;
- q) policijski poslovi koje Federalno ministarstvo unutrašnjih poslova povjeri Ministarstvu iz svoje nadležnosti;
- r) policijski poslovi iz nadležnosti Ministarstva povjereni od strane tužilaštava u Bosni i Hercegovini;
- s) planiranje i izvršavanje programa u okviru načina rada policije u zajednici, s ciljem identifikovanja i rješavanja problema u zajednici;
- t) poslovi izdavanja, poništavanja i zamjene ličnih karata i jedinstvenog matičnog broja građana i vođenja evidencija;
- u) poslovi izdavanja, poništavanja, zamjene i oduzimanja putnih isprava;
- v) registracija motornih vozila, izdavanja vozačkih i saobraćajnih isprava i vođenje evidencija;
- w) poslovi prijavljivanja, odjavljivanja i vođenja evidencije o prebivalištu i boravištu građana;
- x) čuvanje duplikata matičnih knjiga u elektronskom obliku i inspeksijski nadzor nad primjenom propisa u oblasti matičnih knjiga;
- y) promjena ličnog imena;
- z) poslovi koji se odnose na sticanje državljanstva Federacije Bosne i Hercegovine i promjene entitetskog državljanstva;
- aa) rješavanje u drugostepenom upravnom postupku iz nadležnosti Ministarstva;
- bb) poslovi inspeksijskog nadzora zaštite od požara iz nadležnosti Ministarstva u skladu sa posebnim propisima;
- cc) poslovi inspeksijskog nadzora i poslovi koji se odnose na rad agencija za zaštitu ljudi i imovine;
- dd) nadzor nad zakonitošću rada udruženja koja obavljaju djelatnosti iz oblasti u kojoj je praćenje stanja u nadležnosti Ministarstva;
- ee) poslovi koji se odnose na promet i skladištenje eksplozivnih, zapaljivih i ostalih opasnih materija koji su u nadležnosti Kantona;
- ff) obavljanje drugih poslova i zadataka koje Federalno ministarstvo povjeri Ministarstvu iz svoje nadležnosti;
- gg) saradnja sa drugim organima u Bosni i Hercegovini u izvršavanju unutrašnjih poslova;
- hh) drugi poslovi stavljeni u nadležnost Ministarstva, u skladu sa zakonom i drugim propisom koji se odnose na nadležnost Kantona u ovoj oblasti.

Ministarstvo naprijed navedene poslove vrši preko svojih osnovnih organizacionih jedinica i kantonalne Uprave policije, u skladu sa zakonom i drugim propisima.

Poslovi iz zajedničke nadležnosti Federacije Bosne i Hercegovine i Kantona su: provođenje zakona i drugih propisa o državljanstvu, lično ime, matične knjige i matični registar, agencije i unutrašnje službe za zaštitu ljudi i imovine, inspeksijski nadzor zaštite od požara, eksplozivne materije, prijevoz opasnih materija, poslovi detektivske djelatnosti, provođenje određenih mjera i radnji koje se odnose na područje nasilja u porodici u skladu sa zakonom, kao i drugi poslovi određeni zakonima Federacije Bosne i Hercegovine.

VIZIJA

Vizija Ministarstva je da osigura da se građani osjećaju slobodni, sigurni, zaštićeni i zbrinuti od svih oblika nasilja.

MISIJA

Misija Ministarstva je da kroz efikasan rad Ministarstva u cjelosti osigura suzbijanje svih oblika kriminaliteta, prekršaja i drugih sigurnosnih interesnih pojava u društvu i pruži kvalitetnu uslugu građanima u oblasti građanskih stanja.

CILJEVI

Opis strateških ciljeva, programa i aktivnosti Ministarstva za period 2015 – 2017

1. Unapređenje unutrašnje organizacije i izrada propisa iz nadležnosti Ministarstva radi efikasnijeg i funkcionalnijeg rada u skladu sa postavljenim ciljevima u Strategiji reforme javne uprave

Ovaj strateški cilj proilazi iz Strategije reforme javne uprave u Bosni i Hercegovini koja ima za cilj učiniti javnu upravu efikasnijom i efektivnijom, te je i preduvjet za integraciju Bosne i Hercegovine u Europsku uniju. Kako bismo omogućili ispunjavanje ciljeva koji su predviđeni u Strategiji, planirana je izrada novog prijedloga Pravilnika o unutrašnjoj organizaciji Ministarstva, izrada nacrta Zakona o unutrašnjim poslovima Unsko-sanskog kantona i nacrta Zakona o izmjenama i dopunama Zakona o policijskim službenicima Unsko-sanskog kantona.

Također, kroz ovaj strateški cilj omogućava se postizanje odgovarajućih standarda u radu policijskih organa na nivou Federacije Bosne i Hercegovine kao i usaglašavanje Zakona o unutrašnjim poslovima Unsko-sanskog kantona sa Zakonom o unutrašnjim poslovima Federacije Bosne i Hercegovine.

2. Organiziranje Uprave policije i administracije Ministarstva da budu profesionalne, transparentne, efikasne nepristrasne, demokratski orjentisane da djeluju kao zajednica

U cilju obezjeđenja efikasne i odgovorne javne uprave u skladu s Europskim standardima, te podizanja kvalitete pružanja usluga građanima i ostalim organizacionim jedinicama unutar Ministarstva, na osnovu Zakona o budžetima Federacije Bosne i Hercegovine, Zakona o računovodstvu i reviziji, Zakona o javnim nabavkama, Ministarstvo će izraditi prijedlog Dokumenta okvirnog budžeta i budžeta za naredne tri godine, mjesečne i kvartalne planove za izvršenje budžeta, godišnji izvještaj o poslovanju, te vršiti poslove iz nadležnosti računovodstva, knjigovodstva, finansija i izraditi obračun vezan za lična primanja, izraditi će Plan nabavki u skladu

sa Zakonom javnim nabavkama i provesti procedure nabavke robe i usluga na nivou Ministarstva i procedure neophodne za realizaciju rekonstrukcije i investicionih ulaganja.

Isto tako, u cilju provođenja zakona, propisa, pravilnika i odluka radi profesionalnijeg i efikasnijeg rada uniformisane policije, te stvaranja ambijenta u kojem će se građani osjećati sigurno, gdje će moći ostvariti sva svoja prava zagarantovana Ustavom, Uprava policije će provoditi sljedeće aktivnosti:

- Uniformisana policija će vršiti kontrolu saobraćaja, održavati sigurnost i javni red i mir, uspostaviti i održavati aktivnu saradnju sa zajednicom, osigurati javno okupljanje te na takav način smanjiti broj saobraćajnih nezgoda i njihovih posljedica, omogućiti nesmetano odvijanje saobraćaja i poboljšati kvalitetu kontrole iz nadležnosti policije Kantona;
- Kriminalistička policije će vršiti dokumentovanje vanjske i unutrašnje korupcije, sprječavanje i presjecanje lanca organizovanog kriminala u oblasti zloupotrebe droga, dokumentovati ratne zločine u cilju otkrivanja izvršilaca, posebno na lokalitetima Bihać, Ključ i Sanski Most, te će i dalje raditi na otkrivanju izvršilaca krivičnih djela ubistva po nepoznatim izvršiocima u periodu 1997-2007. godina. Osim toga, kontinuirano će se raditi na prikupljanju operativno korisnih saznanja vezanih za nezakonito djelovanje pojedinih lica i eventualnih terorističkih aktivnosti istih.

Materijalno-tehnička opremljenost Ministarstva i policije je na nezavidnom nivou, obzirom na loše stanje objekata i opreme u upotrebi, kao i nedostatka istih, a koji su neophodni za efikasno izvršavanje poslova i zadataka iz njegove nadležnosti.

U cilju otklanjanja postojećeg stanja u objektima u kojima su smještene Policijske stanice Velika Kladuša, Bužim kao i nedostatka radnog prostora za smještaj osnovnih organizacionih jedinica u sjedištu Ministarstva i Uprave policije, a koje ne zadovoljavaju neophodne uslove za rad službenika i tehničke standarde, u navedenom periodu pristupit će se planskom poboljšanju tih smještajnih kapaciteta (nadgradnja, dogradnja i rekonstrukcija) kako bi se osigurao adekvatan i funkcionalan radni prostor za uposlenike.

3. Jačanje kadrovskih kapaciteta

Ministarstvo će, u cilju obezjeđenja efikasne i odgovorne javne uprave u skladu s Evropskim standardima, te podizanja kvalitete pružanja usluga građanima i ostalim organizacionim jedinicama unutar Ministarstva, provoditi aktivnosti u cilju jačanja kadrovskih kapaciteta kako bi se postigao što kvalitetniji rad policije Kantona, državnih službenika i namještenika.

Pored toga, stručnu edukaciju održat će državni službenici Ministarstva iz oblasti primjene zakonskih i podzakonskih propisa kojima se reguliraju postupci izdavanja identifikacionih dokumenata, matičnih knjiga, državljanstva, poslova za zaštitu ljudi imovine i provođenja tehničkih standarda, u nadležnosti Sektora za pravne poslove.

Isto tako, stručnu edukaciju održat će državni službenici Ministarstva iz oblasti primjene zakonskih i podzakonskih propisa kojima se reguliraju oblasti zaštite od požara i tehnoloških eksplozija i

zaštite ljudi i imovine, u nadležnosti Inspektorata. Inspektorat će raditi na unapređenju stanja u oblasti zaštite ljudi i imovine i zakonitosti rada agencija i unutrašnjih službi.

Intenzivirat će inspeksijske nadzore u pravnim licima na koje se odnose propisi za zaštitu ljudi i imovine, za koje je nadležan, a posebno u pravnim licima koja koriste i skladište eksploziv i eksplozivne tvari.

Shodno naprijed navedenom, izvršit će se popuna upražnjenih radnih mjesta u skladu s Pravilnikom o unutrašnjoj organizaciji kao i materijalno tehničko opremanje Ministarstva.

Broj: 05-01-14-687/2015.

Bihac, 27.1.2016.

MINISTAR

Senad Kljajić